

Hamnereglar for Naustdal Båtlag

1. FORMÅL

Hamnereglane er fastsett av årsmøte i Naustdal Båtlag. Hamnereglane skal gi nærmare reglar om ferdsl og bruk av hamneområdet. Reglane gjeld for alle som brukar hamneområdet.

2. LEIING OG DRIFTSANSVAR

Styret i båtlaget har utnemnd hamnesjef som på vegne av styret fører tilsyn med båthamna og rapporterer til styret.

Alle forhold som vedkjem båthamna skal rettast til hamnesjefen. Alle er pliktige til å rette seg etter avgjerd frå hamnesjefen.

3. HAMNESJEF

Hamnesjefen skal føre tilsyn med at båtlaget sine lover og hamnereglar vert følgt. Hamnesjefen skal påtale brot på lover og hamnereglar og pliktar å rapportere alvorlege brot til styret.

Hamnesjefen kan krevje at personar i båthamna skal legge fram legitimasjon. Hamnesjefen skal vise bort personar som ikkje har lovleg tilgang til båthamna.

4. TILGANG TIL FLYTEBRYGGER OG BÅTPLASSAR

Det er berre medlemmer eller den som eit medlem gir løyve til, som har tilgang til flytebryggene og båtplassar.

5. BRUK AV SLIPPEN

Bruk av slippen er gratis for dei som er medlem i båtlaget.

Andre som vil nytte slippen med eigen båthengar skal betale kr. 100,- for sjøsetjing og landsetjing.

Bruk av slipp eller anna utstyr i båthamna skjer på eige ansvar.

6. OPPLAG FOR FRITIDSBÅTAR

For å ha båtar i opplag i båthamna må dette vere avtalt med styret og hamnesjefane.

7. MOTORFERDSEL I BÅTHAMNA

All ferdsel i hamna skal skje med varsemd. All ut- og innkjøring av og i hamna skal ikkje overstige 3 knop.

8. BÅTPLASSAR

Båtplassar som er tildelt av styret vert anvist av hamnesjefen. Alle båtar må leggjast på tildelt plass.

Breidde på båtplassane i båthamna, målt senter-senter, mellom kvar bryggjeplass skal vere:

- 2.60 meter for ein 4 meter plass
- 3.10 meter for ein 4 meter plass
- 3.60 meter for ein 8 meter plass

Maks lengde for båtar i flytebryggene er 10.5 m (34.5 fot)

Det er ikkje høve til å byggje anretningar på eller kring båtplassen, ekstra treverk på uteliggjar eller liknande.

9. FORTØYING

Alle båtar må vera forsvarleg fortøyde og fendra. Båtar større enn 20 fot skal bruke strekkavlastar på fortøyingar. Fortøyingane må ikkje vere til hinder for andre. Båteigar pliktar å lense båten og halde tilsyn med den.

10. BRUK AV STRAUM I BÅTHAMNA

Det er ikkje lov å nytte permanent landstraum utan straummålar tilkopla. Dette er i samsvar med vedtak frå årsmøte. Styret har kjøpt inn straummålarar som skal nyttast når ein har straum tilkopla permanent i båten. Ein må betale eit depositum på kr. 1000,- for leige av målareren. Beløpet vert betalt attende når du ikkje lengre har bruk for straummålareren og denne vert levert tilbake til båtlaget. Straummålarane vert lest av på våren og forbrukt straum vert fakturert saman med den årlege innbetalinga til båtlaget.

11. ORDEN OG REINSEMD

I båthamna skal det til ei kvar tid herska orden på alle måtar, og alle medlemmane pliktar å sjå til at dette skjer.

Det er ikkje høve til å lagre utstyr og anna i buene eller på bryggene.

Det er ikkje lov å sløya fisk i båthamna. Fiskeavfall skal ikkje kastast på innsida av moloen.

Det er forbode å kaste avfall av alle slag i hamneområdet.

Restavfall skal kvar enkelt ta med seg heim. Spesialavfall må den enkelte syte for å deponere på eigna avfallsplass.

Rusing av motorar eller musikkanlegg med høgt volum, er ikkje tillate.

Det skal vere ro i båthamna etter kl. 2200.

På søn- og helgedagar er det ikkje lov å utføre arbeid i hamneområdet som medfører støy og er til ulempe for andre. Dette gjeld også alle yrkedagar mellom kl. 2200 og 0700.

12. TIDER FOR VINTEROPPLAG

Båtar i vinteropplag skal sjøsettast innan 31. mai. Avvik må godkjennast av hamnesjef og styret.

13. SKADER OG ANSVAR

Ein kvar båteigar er pliktig å ha båten sin forsikra mot eventuell skade som vert påført båthamna og/eller andre båtar i hamna.

Ved skade på person, andre båtar eller anlegg skal hamnesjefen informerast utan grunna opphald. Ved skade på andre båtar er den som har forårsaka skaden også pliktig å varsle den fornærma båteigar(ar).

Når det gjeld båtlaget sitt ansvar vert det vist til båtlaget si lov § 21

14. BROT PÅ LOVER OG REGLAR

Alle brukarar av båthamna pliktar å sette seg inn i laget sine lover og hamnereglar.

For brot på lover og hamnereglane vert det vist til båtlaget si lov § 22.